



忠雅堂詩集卷十七

鉛山 蔣士銓

定甫

丁亥下

杭州郡齋假山傳是坡公所遺偶來登眺有作

三首

移將夢裏仇池石掇取壺中九華山結構渾忘天匠巧
高寒真露使君顏皴痕妙啓元人法藪印濃堆宋代斑
得意毋煩論鉅細但能容足便躋攀

居然遠岫列窗中致出高人便不同墨沼渟泓雲影散
窪尊開豁酒痕空欲驅島嶼鞭無力待竊陂陀袖莫籠
忠雅堂詩集 卷十七

名宦因而寄鄉思峩肩橫在筆牀東

沈香雪浪咏無虛經始難徵考訂餘有美記成當未構
志林編次竟忘書歸裝肯累愚公負官物何關白鶴居
賴有松根細連絡巧偷豪奪患應除

書倪文正竹石畫卷後

君子立身同竹石每與風霜爭氣力倚倚獨挺寒瘦姿
磊磊常矜嚴冷色倪公貞介立朝右石骨錚稜竹竿直
心憂大壘踞鈞衡目瞬此璫如鬼魅形廷未燬三朝典
講幄空陳十六策竹頭不屈石難轉司農之笏豈勝擊
偶然縱筆寫橫卷勁氣稜稜穿楮墨廣平鐵石貫梅花

坡老槎牙浮雪壁忠臣風骨義士節隨處淋漓收不得
思公遺像那可見展卷似瞻公坐立

潘曦亭別駕招游三江觀應宿開宴飲竟日入
城已夜半矣明日作詩寄謝

兩山中斷開危峽內江外海蛟龍狎海飛江立山脚破
鞭石橫空立飛閣長三十丈闊二丈間板雙層中貫插
二十八洞排水門各有星官司歎飲海如盜賊凜窺垣
江若虎兕欣出柙百川東去難撼搖萬嶺西來敢傾壓
天神列鎮肅旌旗水將連營布兵甲潮頭逆上見崩摧
江尾順趨隨管押當年人力豈能到太守默傳神禹法

忠雅堂詩集

卷七

二

連樁入地奠千秋積潦浮天消一霎三城雪卷水安瀾
萬頃春迴人荷鍤閱看網戶稅魚鰕罷問舟蛟掌駭鳴
湯公俎豆自不祧應請蕭公分饗祿我拏勁楫劃玻璃
不異清游泛茗雪人家斷續冠畦町岸樹彎環互寬狹
漁郎水嬉篙技擊別駕鏗筵酒盟畝糟浮子養舌尖糝
蜜釘霜柑爪痕招藏鬪戰拇各分曹算馬度壺同用筴
嘉賓側弁主猶醒君子欠伸僮且乏欵斜揖別雁翔汀
偈爪登舟劍歸匣迴帆自發小海唱冷月生寒透巾帽

夢中贈人有引

夢一叟星冠鶴氅兩侍者雲鬢珠珮自稱華陽公子是

西岳神人長子出碧色牋三尺餘曰小閣新成索詩題
壁乃書八句而覺

觀物曾於太極先星冠霞帔致飄然掌中文字爲公子
石上蒼苔記歲年馴鶴繞身堪作馬滄溟到眼屢成田
雲窗六扇天香滿開徧峯頭十丈蓮

病中生日感作二首

忽忽行年四十三病眠身似半僵蠶此生窮困由天授
後日功名厭客談肌肉全銷山露骨因緣已澈佛同龕
君親恩重無從答不死微軀只自慚

一樓霜氣擁重衾多謝門生取次臨說孝談忠猶耿耿
忠雅堂詩集 卷七 三

傷離感逝自沈沈艱難久絕資身計惻隱空存未死心
盡典春衣投藥肆却憐甘旨不勝任

守鏡詞悼宣亭

秋月不可守破鏡飛上天傷哉兩青鸞先後歸雲煙鏡
存納衆影一一光華全隱隱匣內出朗朗堂中懸好醜
悉包容魑魅伏其間屢照明亦疲浮塵翳中邊一朝墮
地裂誰能使之圓當時借鑑者不復揩磨先繫以五雜
組黯慘同泥甄寶氣蝕土花埋向誰何田昔逢鏡機子
丁寧守容鮮如何隔三歲千里聞棄捐鏡具遠莫齎鏡
神涕漣漣徒爲守鏡詞用抵招魂篇

鍾進士獵虎夜歸圖

鍾馗食鬼常苦飢心厭鬼瘦貪虎肥虎能充庖鬼色喜
奮勇去合南山圍衆鬼猙獍搏一虎進士能文鬼能武
欣然按劍騎馬歸鬼卒後先分隊伍神鐙挂入梅花枝
一鬼前導雙手持主人攬轡三鬼隨分荷杖笠巾卷扇
笏相纍纍一鬼負弩何盱眙三鷹一犬四鬼司鷹閒犬
逸徒爾爲執挺之鬼竚以嘻一鬼鳴鉦壯鬼膽五鬼揚
威誇勇敢張弧舉槩弄刃斧十目視虎防虎噉鬼雄勒
虎殿厥最虎力鬼力相進退虎嘯一聲鬼向背黑月無
光向西墜我聞畫鬼易肖畫虎難鍾馗狀貌誰曾看將
忠雅堂詩集 卷七 四

軍善射無侯骨不若閻羅死姓韓

童二樹 鈿畫梅詩

童君畫梅十萬樹自寫槎枒老蒼句花開古雪未消時
香入空山不知處梅花開落天地中出土那識春與冬
羲和制厯造歲月始覺萬卉難爲同著花結實偶然爾
頌之惜之皆可鄙孤芳或受雨露生羣豔空隨雪霜死
童君能詩方九齡寺壁一掃太守驚腕中天授隸草法
用以寫梅奇骨撐我不識君見君畫每對梅花身下拜
行根竊懼地輪斜放幹真愁天宇隘想君畫梅身作梅
十指屈鐵梅苞胎驅魂附筆萼怒發使氣入墨枝駢開

圈花破蕊等飛白人與梅花鬪標格神怪鬼吝一青矜
去作諸侯老賓客

遊蘭亭六首

維永和癸丑至乾隆丁亥歷千四百年更十有四載嘉
平越四日詩人檣舟待招我遊蘭亭晨光弄寒彩主賓
集簪裾童穉雜觸茵輕橈出西郭重席布中壘樂觀山
水清竊懼風物改沿緣入南溪柔櫓相襖靄當時修禊
人去我今安在

汜汜十五里轉轉山陰道繫纜婁公埠煙火帶漁釣篋
籃雜蹇衛相載入幽奧逶迤陂陀間往復得深造倦挹
忠雅堂詩集

卷十七

五

流觴水古欄彎環抱縛竹爲長簾銜尾出崖隩種蘭俗
已易栖畝有餘稻蘭亭本郵舍無屋領其要緬維嘉靖
初太守始移造講堂絕絃誦別墅供遊眺谿傍列坐儔
當年可曾到

晉無修禊亭宋立天章寺寺前古書院卽此蘭亭地道
側欹石梁百步見幽闕入門巖嵯峨西折轉坡峙廣庭
鑿深池填委石鱗次云是古曲水作者用其意中央拱
虛堂厥右小亭峙堂左屋不多花木雷 御氣堂後亭

團欒中有龍蛇字

聖祖

神孫書穹碑昂鬣願 宸翰見家法義獻豈能至

西北一古屋是爲右軍祠儼然晉衣冠秀彩存須眉生
平名宦業讜論青編垂懷忠不蒙用執苑徒相推偶捉
鼠須筆感慨來係之那須穿鑿徒波磔相信疑誓墓避
藍田輕詆悔莫追可憐功名地夷險惟自知後人賞禊
帖真贗何所資祓除等兒戲百端交集時

峻嶺依崇山茂林間修竹茫茫成古今風景猶在目昔
尋天章寺籬落轉喬木僧宇殊狹隘倉廩富黍穀乃知
古刹燬寺額仍舊屬冬青不可見鐵甕空埋六羣峯立
城郭樹隙下寒旭小樓贖經藏貝葉誰能讀

忠雅堂詩集

卷七

六

攬挹興忽盡返我谿上舟主人觴嘉賓放棹迴中流還
睇蘭渚山晚翠空濛浮邈然千歲間何止萬人游游者
遞泯沒有作誰見收沿襲山水辭弁陋何足尤從來名
勝區後至難與儔

自題徽珮偕老圖 有序

乾隆丁亥之歲清容居士四十有三安人張氏四十有
一奉太安人栖于會稽葦山天鏡樓偶屬王生寫夫婦
小像爲徽珮偕老圖

我年二十一君年始十九親迎南昌郡太歲乙加丑仲
冬朔三日于歸爲我婦簪著曳練裙貧苦樂相守我生

鮮兄弟以君作昆友君離兩親膝舅父姑則母習勞出
天性豈但奉箕帚三月我出游侍養爾無負明年入庠
序鄉舉旋弋取凡茲兩載中我從使星後時得老親書
譽婦不啻口雨雪登公車涕泗浥襟肘南宮報罷歸哭
父鮮血嘔事母號泣間况瘁相左右服闋遷洪州芝山
重回首冒暑偕計吏再戰再北走三年入中書悽惻望
南斗引假翩然還歸傷別離久顧我背生兒三歲解呼
某典屋咏北征赴闕挾雞狗豈知川陸塗災阨靡不受
水火間盜賊飲痛荆棘藪出入死生際神鬼互踐蹂我
窮呼旻天君曰是非苟省愆以修身勿負彼蒼厚艱難
忠雅堂詩集 卷七 七

詣京師圍困晉留闕歲撥上第珥筆拜魯叟備官文

章列得侍

唐虞后豈有華國才只益伐檀咎蕭條室懸磬獲雜魚
貫柳貧深疾苦萃命蹇艱危糾母哀匱旨甘朋來只藿
韭憫君有四雛一一躬乳穀飛蓬遠珠翠集蓼依井臼
莫報堯舜恩曰歸梁孟偶退飛幸得告宿食苦無有江
湖轉虛舟鄉里乏南畝浮家吳越疆終遜冀缺耦四十
朱顏凋相對嗟老醜迴思廿三載艱辛亂絲絡君抱惻
隱心結習頗同狃我揮千黃金君意無可否脫釧救饑
溺大勇過賁黜匱罄虛明瑤箱空覆做笱苦者得安樂

心結方解紐紛紜貴人妻衮服相導誘君匿不與謀誚
讓或疵垢但云寒峻室未解珮瓊玖我讀古人書日炬
穿破牖君恨不識字其聰過矇矓語君忠孝事清淚滴
尊酒默然長太息感觸一何陡隱意雖未陳似傷骨易
朽侍者舉相問一笑罷分割君思棄巾幗我愧膺組綬
每咨敬養薄但益顏色忸三男漸齊肩來歲且姑舅茫
然終老計生理向誰扣行將去齊魯都邑鄰費邱老屋
難安居初服頻抖擻夜夢共憂勞奚狷寅厯酉境窮魚
上竹情篤絲在溝寫形托丹青述志布蚪蚪偕老尙如
賓白頭隨母壽

忠雅堂詩集

卷十七

八

題晉人悅笑圖

國人見虎驚若狂馮婦之勇如卞莊車中善土復攘臂
失信於虎虎莫避山君負嶠電目瞪稊粗自挺莫敢攫
山林莽蒼兩凶鬪轉瞬不知誰死生鄉人竊懼入虎口
婦穉旁皇執刀帚腐儒晉語侈高談昔日驕虞見郊藪
君不見老婦哀號泰山側孔子驅車行不得賢人爲政
虎渡河猛士無由施氣力搏虎救衆勇且仁壯夫不隨
人笑顰吁嗟乎羊舌氏有豺狼聲周犬難齧祁彌明

立春前一日喜雪八首

失却窗南數朵青繞樓新放水晶屏始知身在茫茫裏

人海中間一點萍

瓊瑤世界本來寬難得全家此處看萬瓦參差現鱗甲
女牆低護白銀盤

叢篁未肯折腰肢難免風前鬢若絲如對當時杜陵叟
白頭吟望苦低垂

晴過三冬萬戶嗟明年豆麥可生芽龍公忽展迎春手
怕放來朝五出花

極望彤雲接塞陰飛霰定恩

九重心豐年雪滿黃河北應賀遺蝗入地深

滕六真慚氣力偏漫誇祥瑞酒尊前關心萬姓無衣者
忠雅堂詩集

卷七

九

安得求他化作綿

遮莫同傾餞臘杯半酣身比玉山頽來朝春氣銷寒色
還我千巖萬壑來

景物山陰擅六時兩年消受畫中詩明冬去看華不注
白玉搔頭放一枝

酬胡學山

柳橋丈人隱君子八十能書擘窠字筆端氣力迴萬牛
鐵臂伸縮爲剛柔不知是松還是石支離磊砢從空擲
參差鶴鹿各眠坐顛倒蛟龍互驅策我識丈人廿載前
丈人六十我少年扁舟對榻擁衾話浩氣直壓匡廬顛

唐公上客獨推叟忘勢尊賢容諍友可憐珠履慕金多
誰及深衣能墨守抱琴孤坐煙水亭七條瘦玉聲泠泠
潯陽九派出手指風雨不動魚龍聽通侯封事爭傳寫
半出牀頭捉刀者經綸不入名宦傳詩酒還歸耆舊社
我今四十叟八旬齒髮如昔視聽均壯夫忽抱垂死病
老友竟騁飛騰身十里登山何矯捷看我疋羸悲久別
親調丹鼎藥三升手進仙人蒲九節丈人古義今所無
太乙不用青藜扶放翁久入團扇畫洪厓數上屏風圖
潑墨贈我書幾幅夜半光芒穿老屋那須道德五千言
願與先生守函谷

忠雅堂詩集

卷十七

十

兩閩人圖爲宗芥帆童二樹作二首

中夜忽欲起不眠同此心涼月定人影細風傳石林堂
前通夕宴屋底萬家砧念慮空如水懷哉兩客吟
靜者有宗生能閑思故情兩人方落落萬物苦營營我
亦山中客徒深世外情書堂好風月誰與畫分明

將赴山左李中丞之招畱別鍾介伯

錫圭 秀才

交情如探尋始至意猶淺漸深覺兩忘欲去不能返君
攜艇脯來請業能黽勉衆音或雷同清響輒自顯心許
席上珍品異溝中斷延爲孺子師三雛羽毛短君斂摩
天翼習飛相急緩大者解翩翾小者戒擊毬二百餘日

間已覺異豚犬始樂效舣袴近頗安濯澣始愛暉紛華
近且循樸簡乃知養正功範物各就限君家蔽山前十
步豈云遠有親倚門閭昏定念難遣我生鮮兄弟負母
逐逢轉遠游吾所傷暮歸爾何赧况君抱至性哀經期
未滿君年未三十定力持侃侃豈無世俗櫻義利克區
辨先路敢云導立脚期勿蹇聽我尙論言亦具萬古眼
忠孝出肺腑涕泗溢巾卷君云守詩書制行世無憚焚
巢與朕篋何意厯天譴是皆身外物消長爲聚散有者
我本無奪之理亦坦安樂雜醉夢死亡或難免蕩滌其
疵瑕白璧潔逾善我欲挾君去汗漫厯東兗豈無四方
忠雅堂詩集 卷十七 十一

志戀母心莫反別君吾遲遲送我泪潛潛我子君弟子
對泣廢餐飯壯夫禁離聲一笑亂愁翦天有扶搖風地
有吹律琯願君整健翻雲海力橫展小別期未長良會
約當踐我母方跋涉君母但歡宴嗟我浮家人關河傷
足繭

宗芥颿紅袖烏絲小照二首

滴粉搓酥費揣摩金釵相亞畫屏俱人生富貴尋常事
難得鬢鬟未有鬚

衆香國裏枝枝豔羣玉峯頭朵朵春才子從來無此福
只堪都作畫中人

將之山左畱別叢山講院同學兼謝同好鄉先
生二首

老友忘年特地親酒籌詩板共昏晨欣從洛社揮談麈
愧比周郎說飲醇脈脈相關絃外意惺惺爭惜病餘身
風前一斗臨歧淚洒向江湖作恨人

百尺樓居八口偕頽唐身借亂書埋越多君子交情重
路入山陰畫意佳雲物相於成繾綣風花易散重咨嗟
無心引得虛舟去不道吾生信有涯

豹君以前賢墨跡四種贈行謹受念臺公手書

詩冊倪文正畫石卷子卽用冊內題圓覺經詩

忠雅堂詩集

卷十七

十一

韻奉謝

生死文字中相友托真意重以離別心遣之殊不易力
學涉滄海白首期共濟贈我書畫幀一一同守器兩公
社稷臣不幸立衰世殉國有餘恨各譽匪所計偶然畱
墨妙光燄燭天地倪公骨如石立脚孰能跛巉巖見孤
撐介魄滿燕翼念臺孔孟徒亦擅臨池技傳家忠義書
手澤垂奕禩了然圓覺旨妙悟該鉅細平原誌麻姑仙
佛聊一寄古人不可作觀者但流涕精神耿耿存昌熾
宜爾俾得二吾已足可敢恣取棄翻覺馬易石坡老繁
論議受餐返其璧重耳豈能戲倘續集古錄君惠我能

記愧無瓜李報敢竊纓矢贖多儀不成享所重惟交際
借塵米家船征帆恐難曳

書宗芥帆詩本後

才如溟渤闊情與滄江深遣意珠房貫行蟻使筆春氣
來空林奇都破膽險鉢腎快立解鬱衰酸心少年如是
老何若造極盡變誰能尋海內休悲寶意死替人繼起
君其任薦之廟堂作雅頌庶幾變爾商聲吟才人自古
不盡達吾爲子懼壽升沈

童墨林秀才攜畫梅相訪不值書以奉酬五首

偶乘籃筍探春光底事歸來鼻觀香尋到龍山花不見
忠雅堂詩集

卷七

三

那知疎影壓書堂

寫梅人定似梅清修到寒芳合幾生誰道新交不如故

一枝相贈倍多情

平生愛畫更憐才未見幽人却見梅料想黃樓吹笛夜

羽衣曾伴鶴飛來

君歸自彭城故云

東風纔到暗香知不似年年春信遲二樹飄零鳳岡死

讓君管領向南枝

圖書雞犬一青蓬香滿歸航玉幾叢怪道詩人似冰雪

兩童君畫在舟中

先是芥帆以二樹畫梅見盼

戊子 上

元旦既起復寐夢登山作

天雞喚吾起海上屏風一碧渺無際曙光浮太空共
雷喧爆竹有客號崆峒笑指人間世滄波流向東

去越州五首

依依會稽人去去山陰道改歲已七日具舟豈云蚤西
郊列祖帳冠蓋雜輿阜離觴咽流波顏色未能好岐亭
柳始芽條忽變枯槁別語寧不多所言嗟草草

諸生步涯涘鷗鷺狹相接霑襟溼青袍一一淚承睫嗟
子結中腸抑情聊制壓揮手謝故人速發戒停楫誰知
脈脈心欲渡不能涉

忠雅堂詩集

卷十七

十四

悽悽水澄翁

豹君

垂老別益苦蹶躄十里餘再拜無一語

子弟六七人號泣相夾輔驪駒更迭歌別酒四三舉如
何芳草情復作春蠶吐丁宜食與眠康哉吾與汝

行期敢相紿離况庶幾免同心數賢人

任處泉陳望亭
兩太守潘筠軒

學士沈月波秀
才金友鶴進士

怪我意何淺別時竊自幸別後殊難遣

快閣宴未央柔腸綠波轉回首浙東雲春風不能卷

我方掉頭去舟忽銜尾來推蓬喚吾母戢戢筭與釵白

髮古仙人從以姬姜儕泫然執母裾各道分離懷老淚

輒盈把繫戀焉能偕但期天鏡樓夢裏相往回分帆去

惻惻此意男女皆遙觀目送者漸反參差厓

欲去不得去

歸襄入江船欲去不得去豈有石尤風十日津頭住中
丞托姻亞念我親年暮遠涉傷子心臨淵請迴步雖成
越絕書未許齊人傳遂開崇文院彬彬集儒素銜書西
湖長風光可全據庶幾娛母心衰顏得長駐援止卽止
之頗滋食言懼敬謝東諸侯却聘倘蒙恕行藏我何知
委之天與數

歐陽蘭畦

永禛

以浙臬遷粵東方伯志別八首

嶷嶷桂林伯待我逾交親不謂昌黎友我及見其人歐
陽出廬陵介直存公身起家文章彥發軔遊西秦敷歷
忠雅堂詩集

卷七

五

守令中所學皆施陳子弟依父兄都忘官與民間公何
能爾公曰行吾真

持節巡大梁露冕鎮於越敬事積勞勩心力未辭竭黜
者笑寒儉巧者厭迂闊公抱耿耿心流俗不能奪所到
吏役貧所過黎庶活賢臣國根本培養托藩臬公存讀
書眼視事朗如月

下僚事上官竭力無不爲麾幢一臨蒞僕隸持恩威公
游郡邑間肅肅清風吹勸警令與牧舊習期改移從者
惡能廉有術無所施竊羨他人奴各各腰纏歸

積習難驟移慨然具封事請禁吏走趨庶以一心志君

子性坦率俗物騁妍媚豈無動色戒所樂有同異安得磊落人居宮成一致

栖栖寒峻子亦有文字能披沙揀金屑一一加尺繩士氣乃一振奉教歌同升誰非田間來貴賤焉可憑章句進取技佳妙不足矜願得經世才爲國充賓興與公托同調萬類知勸懲

公子習詩禮翩翩取科第清門天所眷種德非一世家風守儒素練葛分裳帔可憐驟貴者綺縠雜珠翠官秩偶然耳但益後來累朝廷相楊綰黎幹減車騎當時杜黃裳富厚且蒙議公眞毛玠儔豪侈或當避

忠雅堂詩集

卷七

六

嶺南公鄰國俗與嶺右殊洋舶集奇貨蕩侈奢淫俱教養還樸淳是在君子儒察吏民乃安姑息蔓難圖爲政務大本瑣屑何足誅公手持經綸入告多嘉謨政成鱷遷徙合浦還明珠

我讀古人書用世存夙願拜恩館閣中自効無由見文章愧剽襲貧病積憂患養疴臥江湖奉母乏珍膳苟且充學究洩泌出顏面諄諄講志節聽者亦多倦安得從公游日披循吏傳

天台萬年藤杖歌謝陳象臣

夢說觀察

仙官來往天台裏父老趨迎男婦喜居民捧輿度崖巒

絳節桃花相迤邐老藤蟠屈寒蛟僵萬古甲子不可量
始爲繞指柔漸成百鍊剛脫身未肯附松栢定性久已
忘冰霜歛肉入皮筋入骨混沌花葉皆收藏山鬼驚看
避神物飛仙偶踏響石梁不知歲月冉冉過但覺年命
迢迢長仙官游金庭碧林瑤草香不覓胡麻飯不攜采
藥筐長揖天姥云吾友有母壽且康願乞此籐作印杖
庶幾筋力如藤強天姥顧之笑美哉公意厚益臧神人
斤斧乃一舉截藤九尺直以方仙官拜賜去洞天闕寂
山蒼茫攜藤歸遺小人母堂北老親開笑口仙人之貽
我則有敢不拜嘉同稽首童孫代杖可釋肩看雲數雁
忠雅堂詩集

卷十七

七

藤周旋擲空莫化老龍去倚壁不擾慈烏眠老安少懷
見公志忠信作杖扶危顛公身挺勁比藤健野狐敢近
天龍禪此藤托根本福地由公歸我數則然摩挲後世
見手澤母壽願與藤齊年

西湖偶作四首

著眼銷金一寸鍋峯巒橫黛水橫波田疇六井經時變
花柳雙堤閱世多名宦風流遺醉夢霸才瀟灑拓山河
恩恩結盡中原局拋却湖船海上過

天賜湖山習晏安羣姦接踵據朝端貪夫柄國危亡定
名將成功晚季難立節全忠惟自了荒祠廢芻怕尋看

揮戈未許迴斜日敗局勞他儘力彈

韓園葛嶺跡相承如彼君臣說中興誰念銅仙辭北闕
但憐蘇小葬西陵極天戎馬將軍帳徹夜笙歌宰相銜
只有孤臣銜淚去芝山亭下恨填膺

荷香桂子唱新詞立馬圖傳塞上知勝地鶯花招飲日
游人燕雀處堂時興亡已過春如舊哀樂無端酒不辭
一樣南朝歌舞地只堪游冶莫尋思

孤山

歐蘇歎美惠勤師方外雷連我不知却怪林逋入山淺
梅花開蚤鶴歸遲

忠雅堂詩集

卷十七

六

湖上雜咏四首

一語能捐使宅魚詩人游戲歲星如可憐後日求花石
只有諸臣侍起居

四時爭泛總宜船酒氣花香帝業偏誰寫清明上河本
洛陽風景浙江天

宋嫂魚羹李嫂羊御廚疊進至尊嘗三官麥飯何人獻
雪窖水天飲酪漿

馬塍開遍殿春花龍井初嘗穀雨茶白傅蘇公都不見
兩隄煙柳對歌斜

韜光庵

寺從靈隱入源到冷泉分萬竹掩危磴一菴埋綠雲湖
平空際出鐘杳下方聞玉版叅難盡韜光卽此君

玉泉觀魚

三竺歸籃輿一徑轉而右靈泉古昔豁小寺後來有方
塘繞赤闌寬廣不盈畝中積百頭魚元黃各奇耦放生
乃全生老此逋逃藪雖然遠鉤餌樂飢物所否游人投
糗資噉嗜相奪取濟南有漪園池沼亦清瀏金鱗二尺
餘年齒實多壽龍頭鷺目儔什伯效羣友我觴池南亭
太歲居癸酉於初爲波瀾輝彩燦杯酒觀海難爲水對
此不能久一笑我非魚莊生寓言九

忠雅堂詩集

卷七

五

還蕺山作

六十七日歸舊巢同人延佇占於郊楚弓倏忽返江漢
趙壁乃竟離函嶠柔波迴合聚斷梗修綆束縛營懸匏
羅浮偶爾雜風雨并剪豈得分漆膠由來人事本天數
益信分定關神交溪喧花妥境兩異榻好獮趁兼鶯捎
輿臺父老笑相慰豈但故舊連茹茅山樓洒掃布几榻
牆屋塗堊開漏庖檻前岩壑出古翠檐角花木含新苞
諸生春服恰被體絃誦依舊來堂坳臨歧悔洒一斗淚
破涕作笑嗟申包小兒簸弄若傀儡腐儒鬻算真斗筭
延師竟與置碁等殆不可復妨詼嘲鑑湖倘許賜臣老

杭州雖好吾能拋

續演雅戲效山谷用筠軒韻

誰號兔冒誰馬磨寒蟲得過聊且過麟拘螾現判襍祥
貓笑虎嗔分勇懦海蜃或解造樓閣水豹焉能任箕箒
內蛇出闕外蛇入一犬吠聲百犬和負塗自得豕相媚
犁畝不勝牛卒瘡黃羊祀竈充神庖白鼠聽經參佛座
跳梁但恐鼈斯踢織綃每防龍督課驪貪美睡珠客伺
龜解前知桑兔唾瘦豺祭獸獍食母老鰥不眠鼃喜臥
黑衣唬泣懼鞭縛長耳嘶鳴愁負馱獅身觸邪魑魅伏
蠱屬通文蝸蚓賀流雲豈虞蛛網阻皎月頻窺蚌胎破
忠雅堂詩集 卷十七 三
獅兒覓乳苦批擊海母目鰕勞贊佐可憐蛩蛩借肢體
不若猩猩耽麴糲能醫蜥蜴本仁術祛瘡尖團亦奇貨
鹿茸熊掌怨烹割犀角象牙遭折挫狼狽偕行夔足跛
江豚叩首橐駝坐貂能相煖反蒙害繭不受污常被浣
麤操五技慧終小狐竊三禪才頗大射影含沙或云巧
垂雲徙海真無那靜觀物理究如何都入離騷供只些
朱生翰泉二十初度詩以勗之二首
栖栖風雨覆巢餘來與山公共起居垂髮已當多難後
加冠纔到敬名初眉間黃氣隨年轉杯裏弦弓逐病除
惡夢頻醒無長物篋中畱得未焚書

每對名駒憶故人書鐙琴榻記情親驚心波浪腸應斷
轉眼煙雲跡又陳兒輩肩隨尋世講山堂弦誦是前因
起衰何以勝憂患二十年華劫後身

養正齋種竹

堂西讀書舍各啓南北牖北窗逼陂陀南窗面牆陡讀
倦一欠伸放眼百無有酥雨滴清和爽氣潤林藪移竹
四十竿植向齋前後欹斜相參差疎密互奇耦短檐入
新綠苔蘚覺深厚斜日避几席微風助吟吼遙知炎威
滅暑力除十九直躬不可屈虛中乃能受堂堂證人社
要此君子友我凭天鏡樓俯挹翠盈手何期圭窬屋布
忠雅堂詩集

卷七

三

伐薪樵

李二郎堯棟詩

背誦六經如瀉水下筆春蠶食桑紙驂驪之駒走千里
無人不道佳公子學使心折冠一軍歎息兒子徒紛紛
腫人翦水玉作身立鶴矯矯無雜羣交領三山二千石
直氣當官挺松栢外甥似舅古所云謂梁階平中丞廷對彤
幄還第一襴衫四尺稱體長馬上爭看李二郎紫禁誰
呼小太白明年身惹御爐香

送范蘅洲家相守柳州三首

西曹清望比温舒袖裏猶存尚德書各宦豈同遷客去
詩人宜向柳州居親承

天語官非謫拜領冰銜古不如宣布 朝廷恩德意陽
春從此遍耕畬

崑崙關外夜鐙紅要使邊人識范公百粵河山歸掌上
太平兵甲貯胸中閭閻揖讓蠻荒習詩禮威儀教化同
題徧羅池觴咏地使君餘墨照紗籠

詩繡弓衣到處歌紅牙誰唱定風波天連魏闕迴瞻遠
地入龍城按部過官樹陰籠柑柚古奇峯青列劍鋌多
鬱金香酒相思夢無那當時故舊何

忠雅堂詩集

卷七

三

樓空

白靄若江橫羣峯隔水生樓空收月氣林迴出秋聲子
夜人孤坐雙橋火獨明霜天好寥闊辛苦雁南征

更闌

滿樓鐙火透窗明刀尺聲連誦讀聲三世粧臺無嬾婦
一家人影盡書生儒門習慣能安業史事談多各動情
忽掩更闌數行淚卷簾偷向朔風傾

忠雅堂詩集卷十七

忠雅堂詩集卷十八

鉛山 蔣士銓 定甫

戊子下

題文信國遺像

遺世獨立公之容大節不奪公之忠天已厭宋猶生公
一代正氣持其終小人紛紛作丞輔公不見用且歌舞
朝廷相公國已亡六尺之孤是何主出入萬死身提戈
天意不屬當奈何十載幽囚就柴市毅魄且欲收山河
節義文章皆可考狀元宰相如公少山中誰救六陵移
地下真慚一身了亂亡無補心可憐天以臣節煩公肩
忠雅堂詩集 卷六

九思圖

平岡一獅堂堂馳一獅坐地返顧之兩獅對滾戲一兒
一兒旁覷母乳嬉最小一獅立而窺兩獅渴飲泉流澌
喜尾怒齒張其威巖壑動搖相盱眙百獸之王人得持
或貢康居或條支肉視犀象孩熊罷鋸牙鉤爪百獸糜
勁氣柔毳羣鬼披畫中驅瘴血淋漓何況林邑衝羌夷
永興賦筆眉山詩形容刻畫誰得知師乎莫漫矜雄奇
狼山尙有林中狸神勇善養安不危君子圖之當九思

遊吼山分得東字三首

養花天漾麥苗風畫舫幽尋主客同魚國路通泉埠外
犬亭青在繞門東綠波人影羣鷗亂翠壁雷聲萬斧空
一樣酒龍詩虎會只爭紅袖凭烏篷

細細笙歌短短篷攜家上芻兒遺風棟花邨陽清明過
秧稻時光暖氣融鏡湧樓臺雙洞啓天垂雲樹一潭空
坐來長晝堪移屨還到煙蘿古寺東

舳船一櫂夕陽紅到處江山喜醉翁歇艤偕行穿彼岸
倒身直下瞰幽宮裂開地軸雷霆轉鑿斷雲根陸海空
晚入雷門笑相別扇橋西畔水澄東

忠雅堂詩集

卷六

二

飛來山登應天塔遂謁朱文懿公祠

東武誰見飛來時壓人入地人不知鰻井錫痕指靈異
蕭簷造塔來何遲沙門之說本荒忽賸有浮圖撐突兀
越王游臺今已無想見君臣覽雲物城南秦望山獨尊
列岫相倚如兒孫江湖西騰海北陷東接兩郡煙雲屯
倒身下瞰十萬戶街巷河梁棊局布城中曠土綠漫漫
滿地頽棺無葬處相公祠宇山之陽侍講切引花石綱
全君骨肉正國體妖人何惜誅生光罷稅撫蠻天下寔
遺疏猶能比尸諫摩厓手寫小琅邪後世前身皆不見
越有天地有此山曰龜曰怪山無言相公不逐許詢返

容影下散斜陽閒忽有天風送人語大善待塔鈴相爾
汝我欲攜山更飛去

弔祁忠敏公

二十官人作司李飢卒譁然見公止三吳亂賊一手禽
江左屏藩祁御史直道不行飄然歸戢山拜侍劉公帷
再起再去時事非國亡忍食西山薇西洋港中念臺死
徑往雲門挈妻子別廟文成絕命詩笑曰人生一世矣
角巾端坐淺水中得正而斃含笑容誰死江湖死廊廟
同年尙有倪鴻寶

天鏡樓午夜起坐二首

忠雅堂詩集

卷六

三

風細樹微醒月高山正眠樓開千里白塔倚半城煙一
容夜深起衆聲空外傳添衣坐通夕清味此時偏

夢境有同異貯胸十萬家晨鐘聲未起夜氣渺無涯羣
動定生理九霄垂露華憑虛念身世默默感匏瓜

醉歌

前有千古後有萬年數十寒暑中我忽生其間前身後
世不可識人物鳥獸蟲沙草木然不然識字數不過萬
讀書卷不及千十載竊科第出入館閣承

主恩所識盡窮乏所栖無一屨鬱鬱貧病奉母去覘顏
教授居名山道神牽我作傀儡山靈借我爲雲煙倚樓

兀然坐終日千巖萬壑百變陰晴天聖賢可學學者少
紛紛墨守經生言相習俳優之文志富貴所以古語嗟
才難朝聞官人買田宅暮聞官人購亭園飲食歌舞待
鐘漏汲汲厚積遺子孫將軍死難士死綏

至尊宵旰爲籌邊忠臣孝子出至性舉以責備難具論
葵藿托生太陽下弱草向日心猶存烏欲扶搖羽翼薄
木思裁削枝節拳數十寒暑中我忽生其間弱水之羽
滄海粟何不化去供蟻鳶飲酒一斗亦既醉以夢代死
誰周旋

樓外

忠雅堂詩集

卷六

四

樓外羣山皆不去愛與詩翁朝夕聚有時掩面雲霧中
任我低迷無覓處睡醒風翠偎枕函新綠入窗霜我衫
終年相對益纏綿半日不見如飢饉屋廬疎密樹深淺
城郭周遭田近遠風光四序樓五楹母子六人書萬卷
酒杯一桁排闥干全家小飲浮雲端風吹笑語落街市
下界仰矚元都壇戒珠寺後萬竹竿繞我樓半翔青鸞
詩翁老醜怕人見却被山靈細細看

竹活

移竹養正齋舊葉盡黃脫皆云非其時栽植同剪剗我
過無術補對之惟惻怛淹忽闕雨旬一一傍檐活笋芽

抽嫩鞭筠粉長新籜生機未遽戕死氣不敢奪土力本
未潤根脈遂如渴踈雨夜滴瀝滋漑乃芻達僵者漸昭
蘇鬱者漸開豁如魚困圍圍少定去潑刺天地所不凋
華美孰能遏歸雲與千霄百尺起豪末明年陰叢叢勿
懼風偃拔斷梢而待醉俗論從可抹貪天以爲功榮悴
我其幹

三山歎

種山列郡署叢山橫講堂塔山植浮圖鼎峙而相望其
陽標勝區其陰開北邙棺翁疊魚鱗哀此漏澤岡上焉
無松楸下焉無白楊半供蠅犬餐半有蘖裡藏此猶猶

忠雅堂詩集

卷六

五

古風習見恆若忘彼惑堪輿言徵福求渺茫棄親不食
地厥後焉得昌華屋較荒邱多寡誰得量世無墓大夫
族葬禮久亡守牧掌禁令骸齒埋掩當我無萬間厦又
無千頃場欲招飢餒魂共宅亡何鄉入夜鬼成市啾啾
哭星光停我讀書聲作詩代悲傷

苦熱三首

殷雷作雨勢輒爲風所持陰凝陽在外滂沛無由施雲
氣飄揚升但騁峯巒奇卑濕蘊蒸溽寥廓焉得知願假
萬仞翻挾續游天池

施者常無窮火日光在外受者隨各得金水光在內其

理夫如何我意不能會敲石與磨鏡五行職相代至哉
造化能亦復弄狡獪
東鄰哭三犧西鄰方禴祭祲祥不可知愚者用其意塗
歌聚執客中夜恆不寐星鐙遞明暗螢火分去至默然
待雞鳴微哉平旦氣

悼雙槐樹六首

講堂西南隅兩槐立如耦三年天鏡樓愛此雙老友陰
籠梳粧臺綠亞讀書牖獵花曉峰喧抱葉夜蟬守檐戶
托靜深人意亦渾厚不問栽植年喬柯自然壽

六月日丙寅主人瘡在牀怪風卷江來萬籟聲怒張轟
忠雅堂詩集 卷六 六

然若山頽几榻奔炎光僮婢譁中庭絕叫雙龍僵壞垣
毀屋瓦偃仆猶軒昂力疾起視之吾心怒然傷

既無鉏麈觸亦非螻蟻穿本根未枯朽枝葉猶鬱然干
人等暴死命盡誰能全無知物已矣有情吾慨焉帷葢
不可施掩蔽無泉淵招魂化青虬銜尾翔旻天

方栽冊修篁頓失兩喬木管營一畝宮却燬萬間屋雜
花奪倚恃冬青感孤獨况我中年情哀樂恒易觸始知
攀條者流涕皆有屬

種山堂堂來居然入我戶可憐失障蔽窺瞰到行路雖
然增空闊未免撤防護炎曦侵牀帷飛雨灑巾屨如家

喪長者一一等孤露樹木須十年繼此憂遲暮樹人則如何根荄奚以固

斜月共我寢我夢迷南柯本非求達人所失原不多兩槐種植歲知我爲誰何茲忽遭摧折難謝芻人訶德薄應譴罰殃及殊偏頗槐非不材木偃蹇山之阿自非厭冰霜怪風焉能劇大椿歲八千壽終遙山河槐兮爾有靈一笑彭殤過

新昌公江西新昌典史諸公死事詩

雲南反江西亂軍民逃官吏竄會稽人諸士英叶尉新昌有妻傅有母王有三子一女有僕諸福臧獲良母年

忠雅堂詩集

卷六

七

八十兒年四十九孤城如斗見獨守力盡被賊縛罵賊不絕口啖以冠帶怖以刃妻子悲嘯一何有賊曰降不降公曰殺便殺釜挺交下血肉飛凜乎臣節不可按臨刑口占二十字就義從容持定志明日母卒列兩樽贈秩主簿遣官祭妻子飢寒畱異地三年求乞骨始歸忠臣官小傷如是嗚呼幼慕文山號文水終與天祥同一死咄嗟何人典史耳典史死事懼失實太史之書存特筆康熙甲寅年仲冬廿一日

酷暑

陸渾蒼莽報新焚薤簞桃笙宿燼熏烈日全收流電火

炎風不卷礮車雲盤堆蕩蕩攢水柱沼亂魚鼉練水軍
十萬蒲葵不堪用湘簾空展碧波紋

會稽孝女金玉堂詩

南斗注生北斗注死東嶽之神奉行耳代親死者誰能
任十六女兒身姓金八姑名玉堂讀書服勞習拊鉞母
夢鬼伯語數月壽當盡兄夢亦如之女曰我其代母殞
南斗北斗橫斜于天鹿脯香醅乞延母年自臘徂春禱
益堅拜問東嶽然不然神不語以籤許女笑持籤歸向
空招二豎病來矣八姑臥越五夕八姑坐浴蘭湯開履
箱易衣韞飾珮璫屬生者勿我傷善事親母命長星月
忠雅堂詩集 卷十八 八
光梅檀香金八姑卒于牀乾隆戊子四月初二日會稽
述者皆能詳咄嗟東嶽神乃迎孝女去海山縹緲仙人
居孝女之居在何處在天在地不可知我及見聞當作

詩

公讌卽事二首

鼓角轅門肅夜營華堂絲竹譜新聲燔羊帳外多牙將
行酒樽前半騎兵一丈紅瑜花對舞兩行銀燭月爭明
停杯忽看傷懷事猶有當歌淚點橫

留髡一石主賓諧那要臣冠挂玉釵醉墨似鴉翻雪壁
角聲如虎靜銅街頭廳客騎穿花散歸路衙官列炬排

宴罷山樓足高臥一盞還照讀書齋

晝免

長須缺口衣褐公何年竊藥辭月中偷閒踞此一拳石
跌宕入竅栖花叢丁丁蕭蕭托吟咏野人可寄千城戎
管城奈無食肉相脫穎莫佐蒙恬功老茲槃礴遁且網
顏唐自號長生翁我欲叩君廣寒事授職可與金烏同
蝦蟆屢蝕爾無恙怪詩可否則盧仝中山支庶孰爲盛
三窟老姦誰最雄全生何尙畏鷹犬卜兆意許隨罷熊
語焉不詳吾弗許問而不畚爾豈薶毛生失笑罵穿鑿
咄咄見通子其窮明月在天我入晝是色是相皆空空

忠雅堂詩集

卷十八

九

吳山觀禱雨

陽氣蹶張陰氣弱雨勢每爲風力奪斷雲拖墨堆雨頭
斜日篩金散風脚斥痕全出屋宇高河底難藏鼃鼃踞
萬條龍骨旱田翻千尺銀餅枯蟄閣杭人拜呼觀自在
天竺蓮幢下城郭雷車脫輻失雙輪龍井沈珠收一勺
吳山下視匣明鏡百頃西湖變溝壑前人蓄洩講水利
白老蘇公皆不作穀價高騰酒價賤樂歲凶年兩難度
三老賣船買籃筍川路休愁波浪惡江湖怒氣一時平
羅刹潛蹤防戲謔天心冥冥任愆尤佛力巍巍爽期約
安能坐挺筆千鈞上抉銀河九天落

菜竹亭晚眺二首

短短柴扉窄窄河浣衣門巷暮砧多一弓橋臥龜魚水
時有行人倒影過

昌安門外水田鄉漁艇淺舟度女牆指說東頭山盡處
海天無際白茫茫

風雨

五日風十日雨秀色油油上禾黍五日雨十日風八分
九分談年豐懶龍睡足不復臥挾水行天求補過汲井
利用溝澮盈河橋漸有搖艣聲新涼一雨洗百病寒衣
有無且聽命驅熱還須北風勁

忠雅堂詩集

卷六

十

題鄭板橋畫蘭送陳望亭太守

板橋作字如寫蘭波磔奇古形翩翩板橋寫蘭如作字
秀葉疎花見姿致下筆別自成一家書畫不願常人誇
頽唐偃仰各有態常人盡笑板橋怪花十一朵葉卅枝
寫于何年我不知叢蘭荆棘忽相傍作詩題畫長言之
板橋當初弄烟墨似感人情多反側舉以贈君心地直
花葉中間有消息君生蘭渚旁熟精種藝方葉雖欹斜
具勁力花却靜好含幽香君今一麾仍出守長挹清芬
懷舊友板橋不作花不言題送君行當折柳

九月初六日書慰鍾介伯秀才二首

秋鏡再照讀書身不是今年蕊榜人天意難知猶及待
士才如此豈長貧三冬足用時非暮萬卷重開筆有神
科第從來要宜稱未容懽喜未容嗔

聞達初階借出身三年取次笑陳人親纔五十寧稱老
子有文章未是貧少賤光陰同拱璧芳時榮落聽花神
商量舊學平憂患底用隨他作怨嗔

喜錢慈伯得舉三首

八斗才華萬斛愁庾公蕭瑟宋牆秋憐渠歸妹愆期久
喜到今年說上頭

京闈記我列星文註徧題名不見君豈料還鄉七年後

忠雅堂詩集

卷十八

十一

挽弓來壓射潮軍

風吹姓字過江來累我全家笑口開還就燈花一占卜
明年佳兆動春雷

高生詩

甫冠開萬卷智慧兼羣倫誰將白玉山琢彼九尺身默
然儔伍中見者驚嶙峋與之娓娓談古事森螺紋八十
有一家瞭然知僞真忽焉出尙論特識傾前民江海納
方寸空潭瀉陽春何來美少年高生挺松筠始我識高
生墨線度循循孰贊不置口品冠袁公收賓小祥若初
喪暇粥除羶葦先公古循吏學道醇乎醇仕宦二十年

不救書生貧廉潔夫如何棺衾莫能陳凡其所歷地哭
聲轉相聞高生性貞介志節如其親但有屋一區寂莫
湖州濱生昔未冠日笑采青青芹抱經治官書吏事習
已勤居然參幕僚政事文章勻偉哉錢侍郎維城拔之貢
成均越材豈不多惟此勝郢斤我買江上舟高生竭來
羣一鐙照兩榻水窗坐温温屈指除服時碧霄行麒麟
別去再改歲積愆無由申每懷君子友皎月栖梁塵秋
榜忽報罷令我心如焚文行既粹美托處復遭屯乙科
乃至難理數何緣因窮達爾豈知冥冥若有云敢以寸
光目上疑天地仁高生名文照東井別字新厥考諱曰
忠雅堂詩集

卷六

七

植世爲武康人我無春風力吹之上青雲但作高生詩
歎惋席上珍

再別蕺山

言歸秣陵宅復買錢唐舟山中故人酒畫裏讀書樓風
雨三秋別煙雲半載留明年尋後約一笑減離憂

渡錢唐江

雪氣兼天湧潮聲到海還孤帆橫翦處兩越畫圖間八
語過江別秋雲終日閑杭州展屏幃湖上好青山

塘栖道中

百里桑陰密都無雜樹連春禽留戴勝蠶利重吳棉蕩

滿朝開市魚鰕瞑聚船收帆依水宿還聽說豐年

嘉興

不容山到郡但放水還鄉赤脚多田婦邨沽滿市航入

吳收夜雨於越盡嚴疆欲捧先生袂太傅錢公金陀認古坊

平望野眺

三萬六千頃太湖藏此中逋逃諸藪接防禦列州同地

迴波瀾闊時清盜賊窮當秋弄漁筵誰是鐵厓翁

寶帶橋夜泊

五十三輪月清光一半弦橫空連斷脈臥影劃長天暮

雨吳歌接秋鐙估客眠推篷看虹彩明鏡水中圓

忠雅堂詩集

卷十八

三

過梁溪

墩聚陶人宅黃婆自昔稱地分雙縣古龍抱一珠澄酒

借名泉釀山從別墅登遣秋宜小醉前路指毘陵

五君詠五首

笑脫中丞署重依水竹居客來參古佛老去愛吾廬

塢影仍窺案藜鐙自照書小西湖上坐風味近何如滌齋

夢繞菊花邊先生別二年情深詩卷外心到酒杯前與

俗都無累尋懽獨有權六朝山水窟誰復占幽偏簡齋

屢散萬黃金霜痕鬢欲侵用才官不稱當局事都任書

養疴人氣詩傳孝子心青山銜土後不敢聽哀禽再來

帳下教歌舞尊前贈鏌邪殺人年少膽游俠魯朱家
氣論諸史多情咏狎邪醉來揮健筆一笑染袍花

椒林

老屋秦淮上諸生擁一翁談經常破的把酒亦雕蟲
薄俗存交義深衣見古風知音有賢耦垂白愛梁鴻

恬來

坐深

風與歸人逆舟同逝水爭坐深移斗柄眠短厭雞鳴
眼纈因書暗心兵得酒橫秋來多肺疾何處學長生

逢客

戶牖玲瓏接江船似曲房岸喧兒廢讀人默鼠窺糧
米價朝開市農功晚滌場年豐吳越共逢客問吾鄉

忠雅堂詩集

卷十八

十四

盡室

酒渴除風幔昏懸讓客舟驟寒雅徙樹久雨葉知秋
白鷺團煙渚丹楓轉寺樓有生皆自得盡室苦沈浮

江近

岸束知江近崖高覺水乾有秋倉廩實于野稻場寬
漕舶歸銜尾牙兵笑倚鞍邨邨打新穀旅食爲加餐

寒谿

路入呂蒙城寒谿淦淦清雞豚依水檻砧杵識柴荆
雅軋輪孤轉嵯峨嶺對橫風傳林壑響隱挾大江鳴

野望

蒼蒼橫翠微，片片白雲飛。古碣自流水，幽人猶未歸。荷
鋤茅屋轉，啓戶綠陰圍。欲覓采芝路，西巖含夕暉。

立冬

試威霜力重，秋盡覺寒深。生理三時過，元冥一旦臨。夜
嚴江氣肅，天迴漏聲沈。候爭斯刻羈，人畏鐵衾。

沽酒

夾岸酒家胡新，萸喚客酤苦凝。三月露甜膩，百花膚醉
醒。消寒日江山嬾，老夫銜杯看鐵鑿。談笑論東吳。

物情

葉亂鶯鴻去，沙崩宿鷺稀。物情多避俗，客意本忘機。嫩
菊低漁槩，疏花上酒旗。江邨好門巷，各各晒寒衣。

忠雅堂詩集

卷十八

五

豁眼

豁眼大江來，寒波萬頃開。岸移京口樹，塔倚妙高臺。古
事駸駸過，潮聲故故迴。魚龍方穩臥，敢蹴海中雷。

泊京口有懷林親家病體三首

病劇休官後，身存失怙餘。斷腸因汝繫，垂死寄吾書。縱
縱眠苦塊，哀哀戀堊廬。勝喪古人重，毀瘠意何如。
遠耗何由確，相思只自疑。頻傳婚嫁信，共詠薦蘿詩。孟
氏粧宜古，班姑訓可資。前賢牽犬意，未許俗人知。

計日三旬阻，先期百兩迎。雙星方脈脈，一水尚盈盈。娶

婦非常喜稱翁却自驚不知扶病者能否掌珠擎

懶慢四首

治生原懶慢泛宅亦尋常志豈存溫飽謀偏逐稻梁家
人三世托書籍萬金裝但覓延齡酒爲親却老方
照溪雙鷺影白到頂邊絲烏且憐身瘦雅方托母慈渡
江仍用楫投老是何時盡日攤書史生涯亦苦疲

水土非殊俗山川失故鄉近多關鬪疾頻翦藥苗嘗敢
作憂生語難求暖老方恩息百年半勲業漸相忘
四十四年過爲歡竟若何二毛須髮見百感酒杯和屢
病吾衰甚方冬物變多無田歸不得今歲又蹉跎

忠雅堂詩集

卷十八

六

說詩一首示朱湘 山西鳳臺人

唐風列四始崇儉習苦詞瞿瞿美良士足配岐函詩六
代唐宋間作者森然垂傳山起明季高節文章隨 國
朝多學人風雅亦未稀雁門列三馮千古皆庶幾崢嶸
陳澤州南人敢盱睢性情出本真風格除脂韋雖非三
百篇老蒼具威儀北方有學者未能或先之同時王新
城俗士羣相推聲色豈不佳但襲毛與皮秋谷撰談龍
媢罵頗有宜及觀飴山集邊幅亦可嗤鼯鼠入牛角東
縛泯設施空浮與窘迫其失堪等夷李杜韓蘇黃芥子
藏須彌舒卷成波瀾比興無支離人亡其詩存生氣何

淋漓豈如優孟容摹仿攀人籬餘子各自矜淺俗或難
醫依艸附木間標榜徒爾爲後世五百年識者無所私
疾風卷敗葉知己難盡期子年未及冠患難身轉移隨
我名山中勵志栖經帷餘事學韻語才力足起衰百千
萬里程進止爾自持勤成惰則廢汝晝由汝欺秋水與
說巖丈夫彼爲誰此言苟三復後來其汝師

江泛二首

二百里江光羣山繞建康滔滔隨眼白蕩蕩接天黃戰
骨都沈海蘆花又戴霜六朝先後滅何處說興亡

匙滑嘗菰飯廚香試鱖羹曉煙浮海氣夕網挂冬晴雲
忠雅堂詩集

卷十八

七

合三山遠帆過一鳥輕東來建業水纔下石頭城

懷彭六一宮允二首

我憶彭中允雙旌拂洞庭七年荆楚國兩度使臣星正
氣尊衡嶽奇才貢漢廷文辭是餘事底用問湘靈
言過湖北路喜動舊門生公子官加美中丞吏再迎但
推文爛漫誰識志崢嶸十載同年友孤懷爲爾傾

懷李載庵明府二首

栖栖李孝子諤諤古端人去作閩中令難迎塞上親一
官身涕淚萬里母昏晨回首家鄉路音書總未真
南北一征鞍當年省視難無官能獨往有祿共誰餐稟

性今人愧資忠異日看天憐清白吏閭井賀平安

懷家兄禹立

屢易橫經地新傳失火書一稔寒徹骨五十命何如生
事難相聚繁憂各未除深慙脊令義垂涕想門閭

燕子磯

苔蘚千年碧槎牙積鐵屯何年傷朱雀不解啄王孫花
落銜泥壘春銷掠水痕空江橫驟隼此是亂雲根

遙青

忽見最高峯如瞻故舊容心懸白門柳耳過攝山鐘寺
古吾曾到江寬不可從遙青看未厭莫被暮雲封

忠雅堂詩集

卷六

六

到家二首

庭階寂寂艸新鉏去日紅梅賸半株憔悴似傷思婦老
蕭條真類道人孤驚龍吠主當門臥衰僕疑賓倚杖呼
十擔歸裝兩年別不應風景便差殊

萬卷深藏十笏樓漏痕蛛網閱春秋丹黃蝕處參差補
籤軸殘多審量修傳與兒孫能幾世誰家田舍得終畱
絳雲天乙分存沒試問三瓶肯借不

種兩梅樹

昔名紅雪樓因梅舒絳厝梅今賸枯椿不復有枝葉禿
如閉院僧衰比退老妾無人滌蟲蠹有鬼弔蜂蝶歸遲

失所依緣在可重接乃迎兩傾城並徙雙步履一披淺
碧衣一暈燕支頰迴眸古仙人左右欲提挾春風何時
來却此扇影摺老樹忽著花心喜同見獵鼎足羹其調
魚貫籠兼攝專房主三閣舞羽唱三疊備物密豈亡胥
命蒲自協堂戶三星交火澤二女浹故人益壽康新人
各安帖小樓當易名長笛敢輕摩

曉起懷叢山

曉起寒爐不可熏凍鴉凌亂瓦波紋花移小院如遷客
雪滿羣山欲化雲人愛樓居天鏡遠家隨斗轉地圖分
碧闌干底烏篷艣傾耳霜橋總未聞

忠雅堂詩集

卷六

九

種蠟梅

黃梅道家粧散仙乃其儕心厭俗人知負性如乖戾我
家三梅樹庭左肩隨偕紅者新舊花綠者參差偃庭右
一木犀金粟殊苞胎雖亞兩海棠絳灌難趨陪敬迂檀
心師耦居求無猜三姝如主人肅客迎東階客人門而
右拱揖東西排艸衣冠黃冠不羈放形骸取道冰雪中
元冥敢相摧

舊巢

江海歸來共命禽舊巢栖息理寒衾眉于少日和愁斷
情到中年比病深半臂難忘湯餅事殘箋新毀白頭吟

平生繾綣燈前語窗外梅花識此心

省識

昨日笙歌御彩輪簾櫳便有十分春堂前敢報含飴德
膝下初來斂衽人棗栗同收新婦摯羹湯先向祖姑陳
從今省識尊璋字慚愧當時敬養身

生日

增長年華又此期鬢霜添上兩三絲驚秋體弱同妻瘦
啜菽家貧累母慈孝子常遵稱老戒新孀學捧介眉卮
壽觴代送重闈喜要引安人一解頤

內子生日

忠雅堂詩集

卷十八

三

禮佛看焚壽字香珩璜雙引玉鏘鏘箱中命服經年舊
鏡裏朱顏逐歲黃新婦爲婆傳井白人家偕老重糟糠
明冬對飲生孫酒調笑應添小鳳凰

悼良姑慰簡齋前輩時簡齋病齒未愈

齒脫骨肉離占夢爲不祥袁公病齟齬忽痛嬌女殤我
母攜我婦昨登園中堂夫人太夫人歡喜相迎將嬌女
名良姑紫鳳蟠衣裳辮髮不冠櫛肌膚凝雪霜瞳人秋
水波口輔新月光五齡解諷詠言動罔不臧白鑿與韓
挈庶幾鴻雁行見客遞長揖轉聲鳴鳳皇慰懷勝男兒
預卜明檐強見者爭抱持何況爺與娘我母歸語兒聞

妹同面龐我婦悽然言阿寧還頡頏我聞叩齒祝此語
勿再詳敢將墓門艸比並瑤池芳三日緘封來詩題哭
阿良舉家變色起我誦詩琅琅始誦尙成句繼誦舌本
僵魚骨顛我喉痰藜刺我腸我家齊聲哭鄰人駭奔踰
我出言因由泣者笑者相笑者譏過情泣者觸悽愴容
散我入室睡夢猶徬徨我妻嚙而唬阿寧戲身旁我母
起敲火阿閏來扶牀又言到隨園往慰媳與嫜種種成
緣因今夕何獨長遙知哭女聲欲撼倉山蒼袁公作達
人愛河不可杭勸喻總陳言緘默懼其傷退之告東野
強詞頗荒唐慨作梟蜺觀天性毋乃戕山谷書此詩君
忠雅堂詩集 卷六 三

美情豈忘失女等失子誰得分瓦璋所幸母孕安馥馥

幽蘭香明年試嘯聲共飲湯餅湯兒貌類女子良也真

子房紛紛前後身轉輪難測量吉夢齒復生編貝如東

方

龔侯刀劍歌

一條電光三尺水出入沙場萬夫死人頭過處古血腥
馬脚飛時陣雲紫太平世界善刀藏龔侯含笑游咸陽
新豐市中酒氣熱醉買壁上蛟龍僵寶刀得主聽主使
百鍊之剛能繞指別有一劍紅毛來魂魄隨鋒泣倭鬼
誰聞蛇母秋郊哭魑魅潛藏狐鼠伏功名可入刺客傳

姓字應雷陶氏錄龔侯任俠無荆高右手執劍左手刀
鐙昏月暗一起舞白練四湧翻銀濤奇氣凜凜出兩臂
亂掣冰山轉天地冥冥莽莽透骨寒雪卷虛堂騁風勢
吁嗟乎報恩報讐孰淺深爲銘爲鈍隨銷沈干將補履
刀作鏡老盡人間壯士心龔侯當官有官職持此爲時
誅盜賊不然佩牛佩犢學爾渤海翁摩頸休如屈突通

題祝枝山艸書卷爲龔梧生孫枝司馬作

筆欲著紙墨亂飛紙欲就墨筆不依態奇情逸作手揮
結構神妙微乎微如葉翻林藤挂枝驚蛇墮羽疾莫追
厓崩虎躍勢屢危又如飛花裊游絲風力欲翦姑緩之

忠雅堂詩集

卷十八

三

枯僧靜女肅容儀壯夫俠客蓄武威臂筋伸縮肩主持
心營目運肩臂隨尺寸尋丈却與推岳家之軍大將旗
中鋒使筆縱橫馳大令懷素張旭芝意思却被枝山知
此卷年月作何時快哉官罷不受羈伯虎衡山與雅宜
但工行楷求媚姿石田雖奉山谷師俱於艸聖未及窺
俗子容或得其皮枝山腕力抉怒貌百千萬變合矩規
學者苦難知者誰龔侯得此遭點嗤出令我觀惜見遲
坐臥十日看古碑世有其人某在斯

西園六朝松石歌同高東井作

種松疊石無人見松贖雙株石數片六朝法物但傳聞

百畝西園已更變托根城市偶得全齊梁歲月想當然
後彫免共薪摧伐不死欣隨樹曲拳雷霆難起兩龍蟄
一翁一孫相對立全收花葉入精神盡斂皮膚作筋力
雨露冰霜總不知斧斤烽火還見遺久忘南國兵戈事
那記中山歌舞時松石相依孰前後石不能言松自壽
萬輦馱來敢竊窺六丁移去憑偷售松根入石石骨強
石上苔花松子香身堅不銜南山墓爵古曾驕異姓王
一拳戴字書痕古畱守司題馬光祖南宋園亭屬那家
前朝第宅更新主老松怪石何地無難得畱遺在大都
輪囷終逐桑田爛琥珀當隨海水枯江山勝處多陳蹟
忠雅堂詩集

卷十八

三

過百子山樵舊宅二首

一畝荒園半畝池居人猶唱阮家詞君臣優孟麒麟楮
毛羽文章孔雀姿復社空存防亂策死灰難禁再燃時
城隅指點烏衣巷只有南朝燕子知
中興歌舞荒淫日羣小風雲際會年樂器誰焚亡國主
詞臣分劈衍波箋名高十客平章重網盡諸人黨禍連
一樣蓬蒿埋舊宅白頭江令較他賢

題隨園雅集圖

雲壑風泉共此心況于城市得山林畫來恰喜生同世

傳去遙知後視今老輩須眉隨樹古先生情意比秋深
就中悟徹忘筌旨還似昭文不鼓琴

土牛

早潦占頭角豐凶驗尾蹄游春雜冠蓋過市謝鉏犁管
領三農穀胚胎一斗泥鞭聲雷響處犢子任分攜

句芒

列職牽牛宿栖神太歲宮衣冠嫌附會履屨厭雷同
媿賢司牧人呼拗相公東皇老孫子含笑願年豐

門神

倚傍誰何宅張施將相形尊疑封戶牖貴比列丹青面
忠雅堂詩集 卷六 五
目隨年改精魂入夜靈穿窬豈公懼聊托壯門庭

鍾馗

科名前進士狀貌故將軍至性偏憐妹孤臣敢恕君腹
空能納鬼心死不言文誰托終南侶多年捷徑分

花錢

郇公雲五色飛傍孔方家舞共青幡出飄同綵燕斜門
楣增氣象蓬華借光華難買東風性終防等落花

桃符

度索仙人板丹砂道士書崢嶸禦魑魅寂寞倚門閤入
土言當省祛邪事有諸堪憐退歸者新舊較何如

春聯

製仿宜春帖排門吉語多豐年資頌禱民氣驗康和札
闡言真妄蹲鴟字每詛書備橫雪案僵手凍頰呵

歲鼓

饑臘迎春際隆隆起蟄雷年光渾擊破花信漫催開響
逐寒威去聲疑雨點來兒童能散打同唱賣癡獸

爆竹

礮力憑金石憐渠具體微驚雷一絲引春雪萬層飛身
碎因狂藥心長有禍機不知誰掩耳還笑盜鈴非

鏡聽

忠雅堂詩集

卷十八

五

匿影循牆走尋聲倚壁聽何期深夜語都効紫姑靈識
緯原難測推求恐不經菱花常自鑑何必問冥冥

忠雅堂詩集卷十九

鉛山 蔣士銓 定甫

巳丑

鍾介伯秀才招游禹陵南鎮泛舟湖若耶谿樵
風溼而返疊用岐亭韻二首

油雲釀輕陰屢沛霜雪汁百五寒食過花信風猶溼尋
芳具扁舟容與客相得波平岸轉遲酒渴杯行急上芻
漾烏篷銜尾亂羣鴨歌舫玉釵橫食櫺青帛幕突兀來
飛費禹廟繚繚垣赤門迎衡岳碑墨鏤篆文白黻冕秉元
圭神從分冑憤可憐無祠官不免若敖泣俎豆今尙陳
忠雅堂詩集 卷九 一
封鬣古已缺惟餘千萬蝠糞污點游客塗山昔如何邈
矣諸侯集

崇阿抱南鎮路溢椒漿汁夕陽唱神絃煙裊爐峯溼掌
夢列衙官祀典豈云得莞然不可畱迴棹轉波急言尋
若耶溪浣女雜駢鴨登橋望仙人鶴駕春雲幕三五團
瓢家花樹羅翠赤老僧說豐年遙指射的白喫茶腋生
風樵風倒吹噴笑看墦間人醉飽發歌泣清游興將盡
落日挂山缺羽觴無停飛不知何者客秉燭敬城扉鐙
火市樓集

挽任處泉 應烈前輩三首

半年身作遽衰翁示疾維摩臉退紅百事都隨婚嫁畢
一樓真對水雲空歸田樂故由官美受福人難得考終
不道扶牀成永別兩行清淚落哀鴻

不住杭州住越州寓公居在鑑湖頭門高士盡師元禮
道廣人爭識太邱一郡江山屏上畫并年絲竹鏡中游
青冥忽報神仙死萬壑千岩黯對愁
自營繭室喜初完快閣飄然墜玉棺逝者精靈原解脫
旅人觴詠孰盤桓得交前輩緣非淺但見狂奴意輒歡
今日重來齋鏡具嵇琴捶碎不須彈

十月四日雪疊前韻

忠雅堂詩集

卷十九

二

誰將佛頭青沃以香乳汁鎔銀作袈裟諸水不能溼寒
山本無身何處尋拾得封林曉煙重求食飢烏急遠人
陟斜磴躑躅短腳鴨垂垂香爐峯平挂晶廉幕但餘禹
廟牆紅絙斷霞赤元冥駕未發募收仗全白我頭怯檐
風皮弁換輕幘暖寒煮豆粥那管釜中泣呼兒墜北戶
貼紙補窗缺蝟縮不敢出老矣灞橋客欲啓聚星堂白
戰擬初集

米貴倒疊前韻

天目奔窮流飢鴻澤中集遂令山陰賈去作茗谿客越
州屢豐年民食豈云缺邊糴凜厲禁邦人暗嗟泣千錢

米四斗典鬻到褱幘新禾栖野黃舊穀堆廩白樂土受
鄰殃不啻疆畝赤官廚酒肉臭舞榭紗幘幕富家饜盤
殮餘粒飽雞鳴人飢若已飢誰解急其急新葭滿秋湖
萬戶采猶得養此嗷嗷民炊煮嘆薪溼微聞官人言何
不食肉汁

痼疾疊前韻

方冬苦肺熱忍俊嚙梨汁戒飲杞菊酒罷理腰脚溼一
樓同母居百病自我得肝脾日交戰氣若張弦急續脛
與斷脛我體鶴兼鴨性地存光明不受萬物羈返觀視
黃庭中有方寸赤水雪充肌腸上接肝膽白五藏各有
忠雅堂詩集 卷十九 三
神絳衣冠朱幘世無秦越人二豎肯相泣四十頭童童
將復左車缺死如得歸人生如遠行客胃虛不能運當
食任蠅集

豹君稱許知廉詩太過以詩答之疊前韻

蠶子生桶中解釀花盞汁魚苗生水中失記荇藻溼物
性各有宜不待求始得癡兒嗜四始功較六經急聲如
號寒蟲慧比知暖鴨射覆偶一中終苦隔巾羃仗君揮
羽扇燒彼楚壁赤乘危發萬矢驟若雨點白庶幾倒其
戈肉袒免胄幘如何扶黔徒屢作下車泣童子樂將命
速成固多缺豈宜相揖讓使之抗賓客願疾掃么磨幕

上有烏集

豹君戒知廉苦吟嘗勤經義再寄疊前韻

瀝液傾羣言當飲熊膽汁
咀嚼殊酸鹹寢處分燥溼
譬如有本泉晝夜流亦得可憐
溝澮盈其澗亦何急
稚同竹根笋雛類沙上鴨
正宜抱經史鐙火下帷
幕他日領一軍或奪漢
幟赤斯文有正色越女
天下白奇服而鷗冠不是
古裳幘琥珀松身脂鮫珠
眼波泣苟非百鍊剛削鐵
無不缺記誦汝何有萬卷
同過客手無朱絲繩空說
散錢集

厚孫始生柬椿山太守疊前韻

忠雅堂詩集

卷十九

四

獅兒始墮地便覓母掌汗
芙蓉纔出水猶帶露華溼
卅二丈夫相似有一二得啼
聲度山樓叩比霜鐘急竹
驚初見孫翁喜欲化鴨戲
製桑枝弓挂向繡簾幕可
知老萊心同此赤子赤百
歲抱雲衲我母髮當白飛
傳太守書失笑欲墮幘云
試霹靂音不等呱呱泣犀
錢祝三元庶補厥祖缺催
設洗兒筵願充湯餅客更
捧壽母車來作瑤池集

厚孫三朝知廉用前韻作洗兒詩和之

夜聽雛孫啼甜若啖蔗汁
山妻抱之眠轉側辨乾溼
爭投洗兒錢老夫頗貪得
暫將江祿心不畏撲滿急
蘭湯

春溶溶中有脫殼鳴佛鉢矜良嬰忍用水晶罍藏去河
車紫衣以繡襪赤秋水雙瞳人漆點鏡光白胎髮鬚蒼
垂何日始勝幘轉憶生子時求火厲曾泣萬事已再足
一官况懸缺他年述祖吟或者同謝客藉爲王父尸語
載檀弓集

九月劉生傳鉞補博士弟子感舊志喜有作二

首

記彈清瑟發商聲老淚曾因一暗傾早達難同諸弟敏
愆期獨抱十年貞漫從張祿提前事誰識劉幾改舊名
傳鉞改名燃戲咏新婚杜陵句妾身今日始分明

忠雅堂詩集

卷十九

五

書樓幾處拜鐙花喜動西鄰鏡聽家事本尋常等科第
名成三十慰娘耶孝經傳後難爲繼人譜摹來敢自差
雲路初程多吉士望君同作上林鴉

久不見劉豹君寄懷二首疊前韻

君如元酒沛我比太羹汁澣紉喜業同治角惡材溼讀
書汲古井甘苦各有得垂老手一編較比兒曹急近時
多詩人大半杜荀鴨可憐服敗絮外借錦衣羈居難擬
香山厠鬼戲李赤君張明月影幽暗發光白西園屋數
椽小若王莽幘抱孫坐花前不令呱呱泣婦賢治齋鹽
何異耕從缺門無催租吏坐有談天客誰作行詩圖繡

君長慶集

兀然掩山樓坐盡蘭膏汁面山頭叢叢聽兩耳溼溼所
思久未見時復夢中得東筍收來書投比置郵急我病
日益懶舒緩畧如鴨日治春秋經苦爲胡傳幕左氏固
浮夸究勝高與赤不若宣尼言重耳遜小白搔首誰可
談髮短不堪幘每當會心處掩卷再三泣行將就微祿
庶補甘旨缺去意方一騁飛鴻已如客雪泥幸未消珍
重爪痕集

除夕家禹立兄至疊前韻

雨雪拖行裘須凍涕成汁入門各看面承睫淚痕溼五
忠雅堂詩集

卷十九

六

年隔川涂一見豈能得心喜問對殊意雜語言急迴身
抱雛孫有若雛伏鴨燂湯暖手足戶牖下重褻辭年禮
先容當日兩童赤稱老凜恆言母髮况初白兒曹酌屠
蘇歡笑換袍幘豈知灰堆神中有萬古泣我樓一人添
兄室一人缺歲酒開家筵敬兄暫如客共覆掌中杯猶
是今年集

庚寅

厚孫試周仍用前韻

戈挂黃金環印漬丹砂汁遺經字含香椽筆墨猶溼阮
好羅牙盤驗彼志欲得探指擎麟豪三世此先急握劍

氣猶猛勁若狸齮鴨螭紐左手提右手去其羃食物不
多攫頗異代都赤如何棄犀錢天性守清白老夫絕冠
纓煙樓小如憤抱孫豁真愁媚祖知詐泣長成執干戈
願補黑衣缺待舉含飴厄一醉去年客百歲三萬場今
日乃初集

賀椿山太守生孫倒押前韻

龍山一聲唬天半衆樂集公府開潭潭搗來摩頂客去
年我生孫此事兄尙缺今年伯仲間笑免向隅泣爲乞
相嬰兒黑子肖入憤知從羅漢來有此鼻端白長爲賢
大夫不讓羊舌赤麒麟臥文茵重以錦裘羃乃燂茜艸
忠雅堂詩集

卷十九

七

湯染卵雜雞鴨坐中踏團團誰似王述急懽生一郡春
便覺萬物得虎兒氣食牛龍子體常溼何必弄小慧瓦
屑寫碑汁

送平確齋前輩游嶺南

舉酒看浮雲忽生離別感萍衣散秋河風力不能斂閒
身分去住醉面各舒慘懸旌意先搖後夢心已散憶昔
偕計車兩情厚以漸結友三十年歲月嗟荏苒吏局君
載馳詞源吾習坎風吹客去燕雪弄舟入剡聞君典劇
郡嶺表歌廉范墨縑返梓桑繡闥依葭蓼誰料羅與浮
神飈合岩厂尋詩櫓停夏讀禮門豁居賓來頤輒解論

出首俱領文詞露軒昂禮法破拘檢遂巡啓庖廚叫嗟
具羹糲殺雞羽墜時買鮑鮮躍罾穿蛙摘瓜壺伏岸取
淩芙蓉駭長鯨吞婢嘆老饕噉温温主益恭刺刺客方
敢未能去厥矜轉欲恃其膽疎狂賴包容卞急愧莊儼
支離出撰著就正煩削鑿如何取蛙蛤不異嗜昌歎豈
云斯文契實恕白圭玷君文積三篋一一儲琬□戲投
幽暗中射屋吐光燄琴依寶瑟彈翰對粧臺染烏紗畫
燭籠蟬鬢春風掩官書判斟酌妙墨巖暄點相與素抱
幽彌覺冲襟澹大兒誦經史揖讓循模範小兒呱呱啼
紅頰雙蓮者以此賦閒居至樂夫何慊赴官期欲愆除
忠雅堂詩集

卷九

八

服月方禪暫垂青雲翅因戀白髮髡竭來天外書促駕
一何寔云資董賈才章奏藉裁學脚踏整衣裘倉卒束
衾簞恩恩別家室去去逾吉贛旣殊陸賈游亦異韓愈
貶州民馬首迎遺愛官無忝濡豪幕府中利濟功寧減
堂哉艸疏時對案同分陝文章見經綸此筆誰能撼操
舟泛江河心手期無歎但求魚鼈安肯觸波濤險望雲
懷親舍北鄉飛鴻再況有同心人盼遠凭疎檻但祝藥
煙消不禁鐙花閃文無倘一寄風絮休仍糝賤子困山
樓病骨炎威犯謀食磬屢懸懷人夢成魘奉親媿填膺
汲古淚盈臉寧容俗子嘲怕受老僧詔坐臥敗紙堆泛

涉真成濫每思深眷情味永若咀攬安得逍搖游南溟
縱吾覽

游柯山寓園七首

郭西廿五里樣棹柯山前仰矚普照寺一鏡天空懸岑
樓嵌虛空石佛龕其間現此丈六身斧鑿誰雕鐫頑石
具知覺托聯香火緣寺東聳雲根孤立不倚偏矗矗多
羅幢百尺栽青蓮又若直挂龍轉側鱗鬣旋俗名石香
爐裊裊霏晴煙萬匠削不盡一柱空中全想彼斷鰲足
立極撐青天古迹類如是何待鑿吾言山風欲動搖去
去巖牆邊

忠雅堂詩集

卷九

九

寺後卽柯山山石環兒孫石窯若蓮萌九地通幽門積
鐵互破碎或有屏幃存踏處匪僧宇豁處開城闔環以
七星潭列宿誰敢捫失足苟一墮駭絕潛蛟吞巖頭祀
文昌躔次居其尊闕道比飛棧上覆垂天雲

柯亭不可覓懷哉十六椽中郎冷澹游賞之亦可憐或
云翁子居傍此崔嵬邊行歌妻恥之轉受嗟來餐飢時
重一飯旣貴何有焉白頭死知音焦尾誰與全俯仰發
長歎出處如斯難

修篁綠叢叢門掩石竹居竹上契姓氏游者知誰與照
影清水塘中有聽經魚學究頷兒童正襟講唐虞狼籍

堆殘編不識何代書據案欲與言竊恐驚樵漁老僧補
破袖鍼折將何如

祇園桑猗猗下覆清泰庵一二優婆夷種菜攜長鋤幼
者鳴繰車解避游人男掩面亦見佛殊費聖姊參七女
尸陀林帝釋茫然三髑髏生何處欲與耆婆談

泛泛溫泉鄉遂詣青蓮院門前一丈碑是爲祁公建特
書生死年已覺該全傳衣冠坐溺處水尙盤渦旋潭潭
中丞豎捨作空王殿方塘界層廊前後香臺間僧廩富
稔稻佛產公遺佃公裔滿前村多年缺養膳

展謁四負堂瞻公像如生秀眉映疎髭炯炯雙眸橫天
忠雅堂詩集

卷十九

十

柱已崩折有手焉能擎臣年四十七一死心已明國家
重科目報者同斯情尙書丈人行此事慙其甥寓山峙
堂西竹石猶崢嶸吾鄉有止水同此千載榮誰守江南
祠橐橐聞履聲

題夜登黃山圖

萬里一輪月黃山夜最涼蓮花開雪色雲海出寒光斜
手波寧溼橫衣露有香天風欲吹去身世久相忘

晝和合

寒山拾得兩禪師齋厨向火無言辭石巖滅影誰見之
偷來寫作和合姿豐干饒舌閭邱悲菩薩示現空爾爲

世人相友藏怨咨李猫笑口常嘻嘻兩師蓬頭赤雙脚
不知游戲有何樂瓦鉢爭疑聚寶盆葫蘆可賣交歡藥
官街市肆處處懸是仙是佛俱可憐人情本是秋雲薄
怕手來分利市錢

辛卯

題俞石隱餼耕圖

兒帶經出荷鋤婦行餼入事姑力田孝弟就徵辟古人
則然今絕無士無恆產家無宿糧應有司試得則氣揚
黜則無所之餬口四方耶娘妻子不相見顏低色沮農
工商爲郎爲大夫各有所畏兒事上官躬已瘁豈無老
忠雅堂詩集 卷十九 十一

親飢飽寒暄兒瞶瞶親心自傷兒自貴官有俸錢倩人
買良田田疇肥瘠不可知奪牛或及于訟焉田間有士
啞然笑有母白頭可以孝有溪有壤可耕釣縞衣蒸巾
從我好自展溪藤寫形貌喚婦來窺婦曰肖五穀熟納
田租洗脚歸提葫蘆殺雞炊黍爲母壽不知爲郎爲大
夫謂予不信展斯圖

贈李生卽題其竹閣校書圖

出我門下有李膺蔗堂太守昔屢稱通才游藝無不能
經義治事力並勝有時手裂鶴文綾倪黃顧陸揮以肱
薦之廟堂用則宏臣力所詘難使升我聞嘿識心已明

西湖校士一再曾其人未見悵惘增塗飾餽會衆且矜
俳優之文吾所懲杭人于我或愛憎老夫灌灌誰師承
神仙姿致展卷憑太守弟子今陽冰水軒兀坐肩秀凝
碧筠疎爽垂鬢鬢香山竹閣何必仍湖上柏堂非昔僧
修篔直節萬仞凌靈簡讐勘分淄澠三館秘書尙有徵
玉堂待君曳履登月穿中雷肩峻嶒息羽誰辨鯤耶鵬
習賢學上尙書丞笑我瑟縮如凍蠅別久夢寐都膏騰
聖節有詔加賓興白袍投卷同聲磨看君振翮翔秋鷹
老屋棄去魚脫骨欲喚太守燦藜鐙天祿可入君其昇

禹廟

忠雅堂詩集

卷十九

七

山河不改一碑存尙有神雅集廟門萬水朝宗才力大
九州陳列帝王尊桑田已見沈江海蚩姓依然認子孫
贏得游人看窆石年年風雨長苔痕

爲熊中丞題湯畫鐵竹

老樹化鐵我所聞誰鍊黑金成此君曾憑火力作霜雪
不藉墨氣爲煙雲疎葉斜枝自相倚龍門百尺桐難比
閩風過處不能搖君子之身固如此

葢山院桃二株紅白連理今年白者漸變朱英

因爲作歌

山堂並立傾城姝縞衣紅袖姿態殊過牆修竹翠帷卷

兩美粧竟纖腰扶根枝連理肩影亞朱顏素面亭亭俱
春風媚我意何厚歲遣二女來相於老夫學道鮮姬媵
小婢麤醜辭粧梳助嬌解語借之子尹邢環燕誇同居
樓中置酒日欣賞尤豔似襄仙人裾邇來酒暈侵玉膚
素女雜佩丹砂符却憶吾家兩梅樹花時寂寂嗟向隅
飄脂墮粉少人見天天爭及雙羅敷石城姊妹王家妾
比並風流兩不如

花谿泛宅圖

麴塵乍染宮肩葉脂暈初迴含笑頰暖氣都從錦浪生
柔波恰共春羅疊數聲漁槳出鷗沙入饌萋蒿與荻芽
忠雅堂詩集 卷十九 主
嬌兒嫩比谿邊鴨小婢娟如岸上花釣徒合向烟波老
不辨吳淞與三泖誰偷谿鏡照妝梳自展蓑衣裁襖袂
江鄉屋小野人居繞屋荷花萬頃餘門底谿流壓箕穎
船中家具雜圖書烹魚煮酒搖船去醉臥蘆汀不知處
我亦江湖泛宅人柳枝遮斷桃花路

夢游西岳作

萬馬西來野色寬蓮花開出古長安仙人雲卷爲衣好
秦地鞭驅入海難壓地較他東岱重倚天曾障夕陽寒
山靈未識文章伯不放韓公到頂看

蕭山道中

林雨滴初霽曉暉含溼煙江流青隴外人坐白鷗前澤
國堤爲命巖疆海拍天子心方耿耿茲事等籌邊

杭州

馬塍花外路一葉夜行舟四郡形相倚通都地欲浮艣
聲銜尾下行旅及闕愁失笑思南宋偏安到此州

蘇州

句踐何爲者能亡秦伯家雄封歸德讓習俗到繁華子
女供遊戲笙歌醉狹斜誰知霸圖烈虎氣作鸚花

丹徒懷錢雨時汝恭明府二首

官已辭京口江仍繞縣門至今吳父老猶念越王孫三
忠雅堂詩集

卷五

古

代存遺直斯民易感恩當時老兄弟尊酒共誰論

憶昔通門友長安兩少年當官十四載各自感風煙吏
局君將起江船我獨眠栖栖苦無事頭白對殘編

嚴先生祠

世降布衣尊荒祠萬仞存漁翁古巢許天子漢兒孫賜
爵寧知已占星或感恩紛紛建武事故舊那須論

題西嶽圖

一柱畫天開青甕萬古苔層雲遮不斷空翠忽飛來禹
力焉能鑿河聲到此迴蓮華列千朶疑是玉皇栽

重訂石帆集戲柬約君

熟名有時命士窮重文詞貴人不解玩所賴知者知水
澄七十翁一卷常抱持平生富篇詠傳後期在斯改本
織丹黃心苦察幾微示我再三讀頻年絕編章老作天
台遊莫慰劉郎飢仙人不可見歸來髮如絲自言斷聞
根尚幸希非夷默坐守嬌女耳神名阿翁要聾癡杜門

謝賓客頂禮人天師

翁近日註金剛經

屏絕世俗言擾擾相誓

嘗我爲啞然笑休徵信期頤聃耳豁三門天柱不傾欹
君耳不容麥上壽理亦宜六鑿塞其一社酒何煩治豈
若河東農有蟲蛻於茲君常眼作耳仲車書達思牛鬪
鞞驛鳴作勞或有之割耳諱晉卿啓牖煩真妃我能手
忠雅堂詩集 卷十九 五

題王湘洲畫塞外人物

羊皮貼地毛攢瑜雕弓入衣箭插壺五人對坐同踟躕
三男一女帶兩雛名王賓客皆單于老奚被服貂襜褕
雞皮鶴髮微有鬚二客短衣亦其徒奚語似聞鼓隳胡
烏孫有婦美且都生子肩隨雪肌膚大兒跪進檳榔盃
小兒凭爺索屠蘇爺方鼻飲淡巴菰匿笑忍噫堪盧胡

一客敲火一客需以煙作茗相吸呼陰山氣候融和初
擁裘小憩離穹廬泉甘草美兵革無射獵爲俗鞍馬俱
龍堆戰骨收鬪骸將軍罷擊前匈奴四海久歸王會圖
椎牛飲酪人歡娛鳴笳敕勒聲烏烏燕支山色鮮如茶
絃索唱舞胡姬扶樂哉太平歌唐虞明妃不用丹青摹

嘔酒詩爲周海山煌先生作

地鑪暖深饔酒香生座隅緩火蒸融融發看浮蛆截
竹爲雷犁露頸没其跌主客次第嘗吸之嘸徐徐中通
風過簫暗引樂出虛注泉便作醴仙釀逶迤如饔面白
水添饔底醇醪儲貫糟出沈齊氣體成須臾枳橘性則
忠雅堂詩集

卷九

六

一涇涓源豈殊神丹變兼金黃芽轉河車物理可旁悟
速化然非歟再拜求釀法酒經願箋疏稂稻穀梁稷皆
可鞠葉俱和以衆露香若點塞上酥百花歸蜂衙五金
同一鑪至味嘔乃出淺嗜得其粗蜀有雲安春復有那
筒酤可惜少陵翁取醉徒咨且東坡不解飲真一堪盧
胡苟啖道士蜜寧發調水符浙人尙越釀六載糟邱居
今夕換別腸沈酒不願餘只疑虹首垂又疑斗柄剋底
須吸西江欲續無功書久出醉翁門才識涪溪醪彭宣
酌侯芭是皆聖人徒

尋天聖寺觀管夫人竹及松雪翁瀟湘煙雨二

畫壁

頽墻蔽敗簷題曰無塵殿盤楹贖雙龍云昔曾錯換西
垣展二丈上壁修篁倩下壁煙雨翻似有湘流濺眞迹
久患滅墨氣隨龍幻補者蔡鼎臣枯林發新箭規模或
形似氣韻人天判遐思比肩游玉腕千鈞健怒掃青鸞
翎蕭蕭響深院翠袖笑相扶紗帽風枝顫乃展巫峯雲
掩映君山面中藏二妃淚露浥啼痕泣風流昔已傳遺
韻今猶見佳耦古絕無邈矣神仙眷不比林靈素塗鴉
元妙觀夫人製竹譜說理冷然善壞壁且移人流連忘
眞贗

忠雅堂詩集

卷十九

七

偕椿山太守東井明經遊弁山白雀寺四首

柔艣劃春波悠然出北郭杆渚接迴汀蒼弁晴煙脫使
君偕二客籃筍度林薄交空綠雲垂夾道青虬攫前詣
石斗山古寺飛白雀禪栖久荒涼香火尙如昨仕女豈
不多吾思本無着

梁有優婆尼道績字總持誦經十萬部乃證人天師舌
生青蓮花香出陀林尸再世名抱玉身化三生奇至人
僵不壞塔記畱殘碑金剛卽堅固梵夾文字遺持誦便
獲福此理誰能知餅開雀飛去勿守空琉璃

東巒峙虛亭具區可一望四萬八千頃雪氣橫天上弁

陽三龍潭神井各萬丈行兩龍所司眞實說无妄連句
苦天漏朝曦澹層嶂欲書祈晴詩臨深一投餉

岩堯法華山下貯水精域坡公昔來遊觀者如今日翻
杯濺紅裙主客風流極由來天所械仕隱兩雞肋桑陰
礙帽檐徑轉肩輿側偶現宰官身念彼觀音力連船載
桃花春風好顏色

題墨妙亭

郡齋歷四代不見孫莘老尙有逍遙堂破屋埋春草遺
筆皆龍騰殘碑跡如埽棧題襲舊名依牆一亭小當時
髯翁吟已悵蘭亭渺尙與杜陵訟肥瘦各娟好之而躍
忠雅堂詩集 卷十九 六
四壁一一競天矯豈但三日坐評賞徹昏曉手把烏程
醅蒼顏共傾倒公府歲月移不免歎枯槁後人強解事
胸臆日紛擾各以世俗書標咏苦爭鬪昔聚今已散柱
礎遺踪少金石且難恃虛名未爲寶

拜胡安定祠像

富包與歐陽賢者各當位乃有眞先生教授蘇湖地治
平賴醇儒體用必兼備兩齋對峩峩治事根經義人才
蔚然興紛紜台輔器三奏說師承劉蕤信高弟偉哉太
平業一一于斯肄空言談性命所學不堪試時無濟變
才遂隕厓山涕可憐一臯比乃爲邦國繫遺容肅緋魚

壞屋衡門閉奈何
尋秋人但賞庭中桂

忠雅堂詩集

卷十九

九



忠雅堂詩集卷十九

